



Ofertes - tal secundo mez ann 2020 mess gní menades demez cōstes ofertes:

26.07. oferta de San Cristofe

04.10. obolo de San Pire

30.08. oferta de Carsema "Misereor"

18.10. por les Misciuns

13.09. por l'Istitut Vinzentinum

15.11. por la Caritas

27.09. por migranc y profugs

13.12. oferta d'Advent por la diozeja

Dōtes les atres romagn ala dljia.



Enformaziuns y termins

Ciasa de Palsa: l'aministraziun dla Ciasa de Palsa lascia alessei che al ven scirt fora 4 posc de laur por infermiere diplomada a tomp parzial (50%), 1 n post de laur por infermiere diplomada a tomp parzial (63,16%), 2 posc de laur por infermiere diplomada a tomp plen, dla C.F. VII.ter con le prozedimont de mobilité danter enc. Düc i posc é reservés al grup linguistich ladin. Enformaziuns plü avisa ciafun sot www.ciasadepalsa.it o al ☎ 0474 524786.



**Nimm dir Zeit, um glücklich zu sein.
Zeit ist keine Schnellstraße zwischen Wiege und Grab,
sondern Platz zum Parken in der Sonne.
(Phil Bosmans)**

Döt le bun a: Anna Ellemunter Erlacher, *Bellamonte* * 13.07.1929
Franz Pedevilla * 14.07.1932
y a düc chi co á santennom y complesc i agn cōst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



La potenza dla Parora de Dio

📖 **Is 55, 10–11 | Rom 8, 18–23 | Mt 13, 1–23**

Dal Vangelo do San Mateo:

¹En chel de é Gejú jü fora de ciasa y s'á sonté söla spona dal le. ²Al s'á abiné na gran meja de jont encer el ia. Porchel él jü te na barca y s'á sonté, deperpo che la jont stea söla spona. ³Y al ti baiâ dio alalungia tla forma de paraboles. Al dijea: N somenadú é jü te ciamp a somenê. ⁴Canch'al somenâ, é na pert dai graní tomada te tru, y al é gnü i vicí y i á mangé sö. ⁵N'atra pert é tomada sön lastun, olach'al ea ma pücia tera, y ara é atira corsciüda sö, deache la tera n'ea nia sota; ⁶mo canch'al é loé soredl, éra burjada y seciada ia, deach'ara n'â degünes raisc. ⁷Endô n'atra pert é tomada tai spinac, y i spinac é corsciüs sö y á sofié la somonza. ⁸N'atra pert é tomada ennultima sön de bun terac y á porté früt, na pert ciont, na pert sessanta, na pert tronta iadi tant. ⁹Chel co á oredles, dess aldí!

Oraziun dal de

*Periun! Dio, tö es nosc fin, tö i mostres la löm dla verité a chi co s'enrabesc y te i condüjes endô söle der tru: dáí a düc chi co s'arata cristians la forza de evité ci co é contrar a cōsc ennom y de fá ci co corespogn ala fede.
Do cōsc te periunse por nosc Signur Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen*
(Lezionar A)



📖 **Letōres dla 16. domegna ia por l'ann:**
Sap 12, 13.16–19 | Rom 8, 26–27 | Mt 13, 24–43

Edema liturgica dai 12.07. ai 19.07.2020

DOM 12.	15. domegna ia por l'ann <i>Hermagoras y Fortunatus, Sigisbert</i>
08:30	gran messa por dōta la ploania <i>oferta por la ploania</i> con le primiziant P. Stefano Trevisan s.m. en onú de Santa Maria dal Bun Consei s.m. en onú dai Angeli Custodi por gní stravardés da desgrazies s.m. por vis y †† Pedevilla, La Munt 10:00 <i>s.m. a Al Plan</i>
Lön 13.	<i>Heinrich II. y Cunigunda, Joel, Sara, Arno</i> 18:00 <i>s.m. a Al Plan</i>
Ded 14.	<i>Camillus da Lellis, Ulrich, Roland</i> 07:30 s.m. d'aniversar por † Pasquale Winkler, Rara s.m. por †† Anastasia y Florian Terza, André s.m. en onú de San Ulrich por les families de Nichele
Dem 15.	<i>Bonaventura, Bernhard</i>
Jöb 16.	<i>memoria de Santa Maria dal Carmel, Carmela, Carmen, Elvira</i> 19:30 s.m. dal ann por † Isidor Mühlmann y por † Margherita Vollmann Mühlmann, Pidra s.m. por † Maria Maneschg ved. Comploi, Möra s.m. de ringraziament a Santa Maria por la familia Facchini s.m. por † signor Heinrich Videsott y por les Püres Armes
Ven 17.	<i>Alejo, Charlotte, Hedwig</i> 07:30 <i>s.m. a Al Plan</i>
Sab 18.	<i>Sabeda de Santa Maria Arnold, Friedrich</i> 07:30 s.m. por †† Siegfried y Berta Frontull, Janin s.m. por † Angelo Ellecosta, La Costa s.m. por † Hermann Ploner, Corterei 18:00 <i>s.m. prefestia a Al Plan</i>
DOM 19.	16. domegna ia por l'ann <i>Marina (Maren, Mara), Bernulf, Rufina</i>
08:30	gran messa por dōta la ploania <i>oferta por la ploania</i> s.m. en onú de Santa Maria s.m. por la pêsc 10:00 <i>s.m. a Al Plan</i>
ampola:	por la familia Facchini
ministronc:	→ dedolönesc y sabeda: Samuel y Maria → jöbia y domegna: David y Sonia

i recordun: Pasquale Winkler † 14.07.2017



Le somenadú sön barca (Mt 13, 1–23)

I ponsi do

Gejú realiseia la parabola deperpo ch'al la cunta: el é le somenadú co somena sōa Parora tal cōr dai discepuj. Al é bel da s'enmaginé la scena dal Vangelo y ejaminé l'espresciun de chi co scuta sō plens de curiosité, respet, creta, atenziun y dejider da fá ci che Gejú dij. Sunse mo ince nos ensciō?

I preii ensciō

T'as fat fora dla spona dal mer na dlijia. T'as tut na barca desco "mesa de vita" da chera che t'as somené somonza de verité. I ponsi a cōsc y mo damani co che t'as fat da te fá aldí y da endespré le enteres de tan de jont t'en te post. T'enmagineieste, Gejú, sce te pordicass y cuntass paraboles sön les spones dal mer d'aldédancō? O sce te jess por les strades y tles plazes a anunzié la Parora de Dio? Ciodi mo ciaresta pa sen con che espresciun demorveia? Na! Te n'orarass mino che iu feji cōsc empede té? Te mo damanes da t'empresté la usc por protlamé to Vangelo, da t'ofrí cōr, mont y energies por ester testimone viont de tōa Parora? T'as en bel coraji, Gejú, da mo damané cōsc y na bona creta da chirí fora önn desco iu. Mo proé podunse ben, sce tō mo deides y mo das a me y a dūc i cristiagn la forza de to Spirit co dá coraji por somené tōa Parora tal monn.

Walter Cazzaniga, Parola amica – Il Vangelo della domenica per ragazzi

"Sön tōa parora" (Lc 5,5) é le zitat dla Bibia che P. Stefano á cherí fora por sōa misciun



Sciomun ti á rospognü: Maester, i án laoré dōta la net y i n'án pié nia. Mo sön tōa parora sciürarái fora les reis. (Lc 5,5)

Dio, nosc Pere, i t'aprijun, che t'as acompagné to popul do so tru y ti ós sté dlungia a dōta la jont:

Sön tōa parora é Abraham jü te na tera foresta.

Sön tōa parora á Mosé condüt le popul tres le desert tla tera empormotüda.

Sön tōa parora á i profec encündé al popul, ci che tō ti as motü dant.

Sön tōa parora á Maria dit de sciö la doman dla bona noela y la sera dla crusc.

Te Gejú Crist á tōa parora soratut la someia umana. To Fi amonía la jont da dé ota y da ti jí do sön so tru:

Sön sōa parora ti é jüs dō i apostui.

Sön sōa parora á Sciomun Pire sciüre fora danö les reis.

Sön sōa parora é ei y eres gnüs testemoni dla fede.

Sön sōa parora dijunse ince nos tal bato de sciö a na vita unida ala sōa.

da "Oraziun por la Sinoda"